






Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.273/a





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.273/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.273/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.273/a

REGINALDI POLI

CARDINALIS ANGLICI LEGA-


TI AD CAROLVM V. CAESAREM

AVGVSTVM, ET AD HENRI-

CVM II. GALLORVM REGEM

de Pace. Iacobo Pholio

Interprete.



R O M A E.

Apud Antonium Bladum.

M. D. LV.
3½.

REGINALDI POLI

CARDINALIS ANGLICI ECCLESIAE

TI AD CAROLUM V. CAESAREM

AVGVSTVM, ET AD HENRICVM

CVM IN GALLIIS VIRENT

de Pace, Iacobus Pholis

Inscriptio.



ROMAE

Apud Anthonium Blaeu

M. D. C. IV.

IACOBVS PHOLIVS IO. ANGELO
MEDICES CARDINALI AMPLISS.



VLTAE quidem, hæcque præclaræ Reginaldi Poli sunt uirtutes Cardinalis amplissime; quibus uir clarissimus pridem se immortalitati consecrauit: sed nulla iudicio meo ea uel beneficio est gratior, uel fama illustrior, quæ hominis ingenium præ se fert cum singulari pietate coniunctum. ingenium enim, pietas omnino si desit, & ei, cui inest, & alteri semper obesse solet: utriusque autem simul cumulata est laus. siquidem coniunctio hæc & possidenti ad gloriam, ac ueram immortalitatem prodest: & cæteris fructus affert uberrimos: cum uolentibus ad colendam pietatem alterius nec ingenium, nec exemplum deest. Quæ cum semper omnes in Reginaldo cognouerunt: tum uerò his maximè temporibus: quibus in reuocanda ab illa impietate Britannia: qua seditionum magnis, diuturnisque iactata est procellis, uiri potissimum insignis eluxit industria. Illud autem alterum de constituenda in populo Christiano concordia, restringendisque horum bellorum incendijs, quibus totam ferè Europam dudum flagrantem cernimus, quanta cura, quanto studio; quam grauius, quam prudenter munus sibi delatum obiuit. in Belgium primo ad Cæsarem, post paucis interiectis diebus ad regem in Galliam profectus utrunque hortari, monere, obtestari non desistit: omnia tentauit; nihil prætermisit, quo principum animos inter se conciliaret iratos. nihil tum profecit, seclutaribus monitis parere abnuentibus, quos ueteres inimiciæ, & flagrans dominandi libido semper ad arma impulerunt. Nec tantum præsens, sed absens etiam sic hæc egit: ut eius & in consulendo prudentiam, & in prouidendo consilium, & in deprecando pietas

A ij

tem cuius liceat ex oratione ad Cæsarem scripta pernoscere: ex qua
quidem & reges ij, si quando mutabunt sententiam, habebunt, in re
tanta quid sequantur: & posteris, qui deinceps hoc legationis mune
re functuri sunt, exemplar ad imitandum non deerit. Eius in scri
bendo consilium, iudiciumue uelle me laudare superuacaneum esse pu
to: quod istud à quouis facile cognosci possit, qui orationem uiderit.
tantum dicam ad persuadendum nec ualidiores rationes, nec notio
ra, accommodatioraq; exempla afferri potuisse: præterea suscepti
officij eam habitam esse rationem: ut in oratione non adumbrata, sed
uiua pietatis effigies expressa esse uideatur. Hanc ego Medices orna
tissime nuper dedi operam, ut ex eo, quo nunc utitur Italia, sermo
ne in latinum uerterem, ratus me & tibi rem gratam esse facturū
propter animorum similitudinem, eamq; necessitudinem: quæ tibi
cum Polo pridem est maxima: & ijs in primis, qui nostri sermonis
ignari latinè norunt. Quem à me susceptum laborem si tu non asper
nabere, ego me aliquid consecutum arbitrabor. neque enim, ut est
apud poetam quendam magni nominis,

Nostra hæc tam bona

Futura sunt, quam fecerint, qui nos amant:

sed et necesse est sincerū, rectumq; in dignoscendo iudiciū amoris
mes accedat. Atq; iam Polum ipsum licet alieno ore latinè loquentē
audiamus: qui, cum suo melius posset, uoluit ab his planius intelligi,
quod diceret: quorum ad aures omnino perferenda hæc erant.

REGINALDVS POLVS CARDINA

LIS ANGLICVS LEGATVS HENRICI
CO II. GALLORVM REGI.

iacobo pholio interprete .



VM ad te Henrice Rex Christianæ pie-
tatis propugnator maxime, simulq; ad Ca-
rolum Cæsarem à Iulio III. Pont. Max.
missus essem Legatus, uti per me cū utroq;
de pace ageretur; aduentus in hæc loca
meus in id tempus incidit, quo tu cætera-
rum rerum curas omnes tantisper ablegas-
sti: dum dies eos cultu maiore celebrares: qui ei paci dicati sunt,
atq; consecrati: quæ ab immortalis deo concordie omnis auctore, ac
principe per filium intercessorem humano generi est data. Itaq; mi-
hi uisum est non modo non importunè agere, si te de hac re admone-
rem: sed etiam accidisse diuinitus, ut huc uenirem hoc tempore; quo
de ea referendi sese mihi maior ostentarat occasio: qui scirem te, quò
maiore pietate inter deum, & homines conciliatæ pacis memoriam
coleres, hoc facilius, libentiusq; de sedandis inter homines ipsos dis-
cordijs loquentem auditurum: quibus quidem nullius pacis, quæ fir-
ma sit, ac tuta, spes esse potest: nisi hæc ab altera, quæ coelitus da-
ta est, tanquam copiosissimo fonte deriuetur. Itaq; cum ad finem
festorum, ac solennium dierum meum istuc aduentum mihi abs te
prorogatum uiderem, tantam negocij huiusce tractandi occasionem
oblatam omnino mihi elabi haudquaquam passus facere nolui: quin,
quæ ex responso Cæsaris de pace cogitarim, ac perpenderim, ea in
præsentia tibi explanarem. Quæ quidem paulò antè in hoc ipso itine-
re literis iccirco mandauerā; ut, si qua post (nā hæc hucusq; defuit)
daretur opportunitas temporis, ad eum scripta mitterentur. sed,

quoniam ea, quæ hac oratione complexus sum, non minus ad te, quàm ad Cæsarem, pertinere uidebantur, rationem hanc omnem de pace hoc quasi libello à me explicatam ad te misi: idq; feci eò libentius, quòd pro tua pietate, magnitudineq; animi eadem quoq; te, quæ ille, responsurum confido. Hæc magnopere cuperem uel legeres ipse, uel legenti alteri aures præberes tuas; cum te in eum, quem precationibus destinaſti, locum incluseris. Equidem spero te, cum omnia cognoueris, consilium meum, quod ad inchoandum negotium adhibui, si modū, tempus, aut locum spectes, haudquaquā improbatū. Illud certè apud omnes ex his testatum relinquetur, qui sit animus et eius, qui me huc misit, & unà meus: quam pacis cupidus: quam quietis amans: quam bene uestrum utriq; simulq; his, qui uos reges colunt, esse uelimus. modo qua est in omnes pietate, atq; clementia, faxit immortalis deus, qui regum animos, cordaq; moderatur, ut tranquillitatem uterq; optet, atq; hanc ipsam ab eo poscat. quod si fiet, nihil uerendum erit, ne eius, quam omnes cupimus, & precamur, pacis exitus futurus sit felix.

REGINALDI POLI CARDINALIS

ANGLICI LEGATI AD CAROLVM V.

CAESAREM AVGVSTVM DE PACE.

Iacobo Pholio interprete.



VM Carole Cæsar Augustissime Iulio.
 III. Pont. Max. ab immortalī deo, cuius
 providentia cuncta dispensantur, ea mens, is
 animus esset datus, ut ad conciliandā inter
 te, Henricumq; II. regem Gallorum pacē
 mea opera is uti uellet, tibiq; ea, quæ ad
 hanc rem ab illo accepissem, mandata ex-
 plicassē, illud abs te intellexi, quod de tua pietate, magnitudineq;
 animi iam pridem mihi persuaferam. cognoui enim te, licet ijs iniurijs
 affectū à rege arbitrarere, quæ animum tuum ab omni cogitatione
 pacis possent auertere, tamen, si quæ conditiones afferrentur, quibus
 posset pax uniuerso populo Christiano salutaris, ac firma gigni, nun-
 quam difficilem in ea accipienda fore: atq; tum priuatas delentem
 ex animo iniurias communis causæ prorsus rationem habiturum. ex
 qua quidem oratione Cæsar illa didicisse uideor, tum quæ paci apud
 te obstant, tum pro officio meo in hac re cogitatione, studio, & ope-
 ra quò me uertam. Atq; cum istuc ego cogitarem, eaq; meminissē
 sem, quæ de pacis negotio non semel confecto olim acta mecum col-
 legisses: qua ex re, ut & ipse fateris, & nos uidimus, non modò
 fructus nullius extitit, sed mala etiam ingentia in populum christia-
 num inuecta eruperunt: cumq; horum malorum causas quærerem, ut
 aliqua posset iniri ratio errata corrigendi, eiusq; conficiendæ pacis,
 quam Christiana Resp. maximè necessariam exigit, & uult: exi-
 stimauī officij mei dignitati conuenire eadem de re stylo etiam di-
 stinctius, diffusiusq; meam explicare sententiam: qui non satis mihi

ipsi facerem, quod tecum coram essem collocutus. sic enim existima-
ui, quæ pro ea, qua tu, simulq; Resp. Christiana lætari possit, cons-
tituenda concordia (idquod dei pietate futurum spero) dicetur, hæc
abs te posse animi grauiore, firmioreq; iudicio ponderari. tantum
Cæsar illud à te postulo, ac rogo: ut pietas illa, quam ex tuo respõ-
so in te esse uidi, ad rem conficiendam mihi ne desit: aut ne dedigne-
ris iter quærenti commostrare. in primis igitur sine quæso Cæsar
abs te illud impetrari, ut me ea ratione adiuues, quam nunc summus
Pontifex ab omnibus, qui in Christi leges nomen dedimus, postu-
lat. quos, ut à deo pacem precibus contendant, non desistit et mo-
nere, & hortari: idquod iam ubiq; gentium fieri uidemus quamlis-
sime. Tu autem cum scias ita iusto dei iudicio ad uindictanda
hominum scelera bella conflare, ut eiusdem misericordia res huma-
nas haud omnino perditas iri ferentis illa ipsa sedari, atq; ita sopiri,
ut hoc cupimus, quo uniuersum terrarum orbem dudum flagrantem
cernimus, optarem, ne altera summa contentione id abs te exorare
patereris: sed te in eorum numerum ipse ultro lubens ascriberes;
qui rem tam salutarem ab immortali deo enixè petunt. Secundo lo-
co mihi auxilio tuo in eo est opus: ut, quibus pacis inter utrūq; to-
ties ista fœdera minus firma, inuiolataq; permanserint, causas ubi
cognoueris: eas, quantum in te erit, præcidas, ac tollas. harū scien-
tiā ut assequaris, præteritorum fœderum conditionem, formamq; in-
tuebere, quæ fuerit ipsorum sancientorum ratio, quæ origo, qui exis-
tus. Videbis enim, si, quæ uos relictis armis ad pacem impulerint;
si, quæ homines moueant, ut à bellis cessent, consideres, ea omnia, ut
magis utriq; cautū esset, à uobis indagata, & tentata: nihil præter-
missum, quod homines potuerint aut consilio explicare, aut assequi
industria. Ea autem tria esse dicimus: primum est, cum inter se
belligerantium uires attritæ, fatigatæq; arma deponunt: quod in his
bellis, quæ tu, et Gallorum rex inter uos funesta gessistis, nō semel ac-
cidisse

eidisse uidimus: alterū cum altera pars ita superatur ab altera, ut in
eius potestate ipsa redigatur: quod exēplo Francisci Gallorū regis de
claratū est: de quo rege tua olim uictoria finē uestris bellis allatura ui
debatur. tertiū uero tum uiderunt omnes, cum uestrū uterq; iniuriarū
omniū, atq; eorum, quæ ultro, citroq; illata sunt, malorum oblitus offi
cijs inter se certare cœpit: id ad Aquas mortuas factum meminimus.
His rationibus superiorum bellorum inter uos incendia restincta: nec
plures tribus ad hoc afferri possunt. nulla tamen stabilem, ac fir
mam pacem parere unquam potuit. quid si ex pace semper multo
atrocius recens bellum sit ortum? idq; ex ea præsertim, quæ cæteris
firmior, ac tutior esse uidebatur? hoc certe experiētia ipsa nos docuit.
Hæc, ut, quo acta sæpius de pace planè sunt rescissa, peccatum id co
gnoscas, tibi considerata sunt Cæsar. non enim istuc accidit, quia
aut ad considendum ingenium, aut ad agendum temporis occasio des
fuerit: nimirum animorum illa, quam res exigebat, coniunctio uos
bis defuit. Quare parietibus illis ædificiorum similia hæc fuerunt,
qui Prophetæ testimonio nulla intus coagmentatione firmati calce tan
tum superillita ui uentorum quantumuis parua impulsā corruiebant.
idem in uestris de pace actis contigit: quibus, quæ solide conglutina
re poterant, amoris uis inter uos mutui, consensusq; uoluntatum des
fuerunt. ita non modo utilitatem nullam ex bellis ipsi percepistis: sed
multa etiam tum publica, tum priuata damna sensistis: dum post pa
cis tempore magis, quàm belli, pessima alter alterum lædendi consi
lia iniuistis. id rerum euentus ipse comprobauit. Quod quidem ut ita
eueniret pro eo, quo liberos amore uos prosequitur, deus immortalis ic
circo est passus: ut ad actiones uestras animorum conglutinationem
adhiberetis atq; ab eo pacem illam accipere uelletis: quæ uos, simulq;
Remp. Christianam solaretur. Ad tollendas autem, ut tolli censemus
oportere, discordias, nullum tempus hoc ipso opportunius, aut matur
rius unquam accidit. quanquam, si, quæ & deo, et Reip. Christianæ

B

iure debetis, spectanda sint, occasio semper est in manibus. profecto
nihil hoc uerius: primi parentis omnium corruptos mores sequimur,
planeq; uestigijs inhærentes nosmet plus æquo diligimus: honorisq; et
rei cupidi nimis sumus: neq; unquā, ut eo modo, quo ipse statuit, à deo
largiente uelimus hæc accipere, inducimur: usq; dum quid ingenium,
quid uires nostræ possint, reipsa experti sumus: tunc, ubi spes nos fru-
strata est, qui sanctior est, & pietatis amantior, ad deum confugit.
Itaq; cum tot annos bella geri, neq; honores, aut imperia illa, quorum
spes utrunq; excitauit, per uos esse parta: sed præter expectationem
uestram omnia uobis euenisse uideam: eadem præterea sæpius restin-
cta bella, neq; propterea, quæ è concordia expectabantur, cōmoda, atq;
emolumenta esse consequuta: rationes denique, quibus ad sumenda, ac
deponenda arma, usi estis, tanquam inutiles, ac perniciosas deū odise
se ex ipso rerum euentu comprehenderim, tantam opportunitatem tē-
poris, quanta nunquam sese obtulerit, ad id perficiendum, quod uolu-
mus, uobis nunc oblatam esse dico: quo in his, quæ sunt de pace, &
bello, rectè, sapienterq; prouidendis, ac decernendis, deum uterq; ducē
sequi uelit; qui rei utriusq; rectā formulā præscribat. ea autem est,
quam is, qui concordiae auctoris, ac principis uices in terris gerit, per
me legatum ad uos nunc mittit: ea inquam ipsa, quæ in actis sedis
eius, ac domicilij, quod apostolorum manibus pietas diuina construx-
xit, per scripta est, atq; conseruata: ut intus animorum, externisq;
corporum bellis afflictos solaretur, leuaret oppressos: iungendæ præ-
terea cum immortali deo in primis, post uobiscum unā solidæ, ac ueræ
cis modum, rationemq; demonstraret. Atq; ego quidem, cum pacis
huius uim pro eo, quantum ipse cupio, uobis explicare non possim, nisi
quales bellorum exitus fuerint, quam boni utriq;, quam uerè mali, com-
memorem, hoc quale sit, summatim, breuiterq; percurrā. Meminisse
igitur debes Cæsar belli huius initia: quæ quidem non sunt à duo-
rum, triumue annorū spacio, quibus bellum à te cum Henrico geritur;

sed ab triginta, aut eo etiam amplius interuallo repetenda: atq; tibi cum Francisco huiusipfius regis patre inchoatum certamen, assiduū, perpetuumq; esse bellum. quo quidem tempore tametsi de pace fœderum pactiones inter uos sæpe fecistis: tamen, cum eo modo, quo oportuit, nihil actum esse uideatur: id omne tempus, belli (siue occultum, siue apertum id fuerit) uerius dici potuit, quàm pacis. bello inquam tanto, ac tam diuturno tot annos dimicatum est, ut regis Turcharum Christiani nominis teterrimi hostis superatis uiribus imperium orientis facile per uos recuperari potuerit: si, quam pecuniam profudistis: si, quas copias amisistis: si, quas opes, dum alter alterum protrudere, ac propellere nititur, contriuisistis, horum pars tertia uobis aliud bellum multo honestius, atq; gloriosius aluisset. nam, si quæ fortunarum, quæ honorum in hoc tam diuturno armorum concursu uobis accessio facta sit, considerabitis, inuenietis non modo id, quod optabatis, uobis non euenisse: sed citius (quod pro uestra pietate nunquam uoluisse certo scio) istuc omne christiani nominis sempiternos hostes, aut eius concordie, quæ in his, quæ ad religionem pertinent, iam inde ab initio constituta est, euersores esse consequutos. Quid autem fuit illud, quo Solymanus Turcharum rex tot utilitates, tantam gloriam sibi comparauit, ut duo Christiani orbis propugnacula terra, mariq; firmissima, Belgradum alterum, alterū insulam Rhodum expugnauerit? Pannonia longè, lateq; peruasata Budam usq; urbem regiam penetrarit? regionem omnem, quam Hister fluuius tractu longissimo alluit, prouinciasq; simul adiacentes imperio subegerit? mare italum, quod tum superum, tum inferum dicitur, eius potentissimæ classi patefecerit? quam quotannis ferè uolitantem in Italiam ex locis maritimis more prædonum tot capita hominum abducere, secūq; in remotissimas terras asportare cernimus. fuere, ut uerè dicam, odia uestra, discordiæ, ac bella: quibus adeo is creuit, & ad tantam imperij magnitudinem est euectus: ut, nisi ex oriētis partibus immortalis dei

benignitate cuncta dispensantis extitisset eius hostis Persarum rex potentissimus, qui frenaret exultantem audacia, pridem rerum omnium potitus esset imperio: tametsi harum maxima pars eius ditioni subacta est: ut facile occidentis regnorum accessionibus ei in oriente à Persarum rege illata damna compensentur. atque hæc satis de utilitate, & gloria, quam Turcis infidelibus odia, & bella intestina pepererunt. Easdem ob causas eorum, qui pietatis speciem quandam præferentes uideri Christiani, quam esse, malunt, teterrima factio tantas uires cepit: tam late serpit hoc malum, quo & ciuilis, & ea, quæ tot ante sæculis, tanto totius populi Christiani consensu recepta est, disciplina euertitur, ut opibus, atque utriusque robore tantus furor nulla ratione amplius reprimi, ac sedari posse uideatur. declarant id & hæc, quæ multis in locis à suis regibus desciuerunt, urbes: & in religione dissensiones ortæ, factaque diuortia: quæ omnia, ut tam late uagarentur, uelut materiam igni præbentia dissidia uestra aluerunt. si autem neget aliquis quicquid dignitatis, quicquid emolumenti existere potuit, id omne per Maumethanos, & communem religionis causam impugnantes esse partium: nihil autem horum ad uos ex bellis uestris redundauisse: siquidem utrique ad imperium suum multæ, sunt adiunctæ provincie, multæ urbes: is, si cogitet quantam pecuniam in has accessiones oppidorum, regionum uterque coniecerit: quanta ad hæc ipsa tuenda sit opus: quanto id fiat detrimento quotidie suorum populorum, quanta hominum strage: uobis enim in uestris regnis iam pauci sunt relictæ mortales: opibus exhaustæ provincie: urbes hæc, quas deuicistis, præsidiorum culpa magis, quam ui hostium, crudelitateque ad extremam miseriam, inopiamque reductæ: ut harum ipsarum defectiones uobis interdum metuendæ esse uideantur: quas bello orta necessitas uel Turcas ipsos si bi dominos nonnunquam optare cogit: is inquam, si diligenter simul hæc omnia examinet, ac perpendat, illud idem, de quo paulo antè locutus sum, pro comperto habebit, non modo ea, quæ ex tam diutur

no bello sperabantur, uos nunquam esse cōsequutos: sed, quæ utriusq;
propria erant, à ueræ pietatis perpetuis hostibus etiam erepta: uobis
autē nihil reliquum esse, præter quandam rei utriusq; speciem, eamq;
& pertenuem, & cum rerum omnium interitus metu, periculoq; cō
iunctā. Id uos Cæsar scio ferre quam ægerrimè. memini enim, olim
Romæ cum esses, in Senatu nostro coram Paulo, III. Pont. max. te
plura in hanc sententiam tum sic locutum, ut omnes exaudirent: ex
coq; magnopere dolere, quod uideres Remp. Christianam magnis bel
lorum fluctibus agitatam, et quassatam multa, eaq; ingentia damna
pati. ad extremum, cum diceres satius fuisse, ut proprio magis uis
tæ amborum periculo, ac Marte, quàm communi omnium urbium, re
gnorumq; detrimento controuersie inter uos omnes dirimerentur,
excusationem eam tum attulisti, qua te ad bellum omnino cogi de
monstrabas: simulq; uisus es illud significare, te in communem Chri
stiani nominis hostem de bello promouendo maximè cogitare: uerum
non uidere qui posses aliquid amplum, atq; egregiū facere, nisi prius,
qui rem tantam impediret, regem Gallorum debelasses. Hæc eo ani
mo tum abs te dicta, Cæsar, ut erga Remp. Christianam non medio
cri amore flagrare uiderere. Eandem uoluntatem ad causam commu
nem mirifice propensam præ se tulit rex literis publicis; quibus ad ea,
quæ dixeras, respondit: qui præter eas causas, quæ priuatæ essent,
etiam illa adiecit, se Reip. Christianæ causā à se contra te susceptū
esse bellum, ne rerum omniū imperiū per uim solus occupares: cumq;
malum esset intestinum, uerereturq; ne, qui liberi essent, adempta li
bertate te dominum habere cogerentur, te non minus, quàm Turcam
externum hostem, esse metuendum: se non tam priuatis, quàm Reip.
offensis urgeri, ac moueri. His rationibus tum uterq; demonstrabat,
in tam diuturno bello à se non suarum rerum modo, sed publicarum
etiam tum utilitatis, tum etiam dignitatis habitam esse rationem. Atq;
hæ quidem rationes, si homines iustā ne, an iniusta sint bella, futurus

ri sint iudices, licet æquitatis speciem quandam præ se ferre uideantur, tamen immortalī deo iniquas uideri tot annorum exitus ipsi declararunt, te uidelicet Cæsar in Turcas ut iusta arma capias, contra regem Gallorum bella suscipere, ut huius attritis uiribus aditum tibi ad tantam laudem aperias: regem uero, ne solus rerum omnium imperio potirere, infesta in te semper mouisse signa: utrunq; certè ex eo malum esse constat, quod hac ratione creuit potentia, auctæ Turcarum opes: dum uos quotidie magis hos ipsos in rerum nostrarum possessionem mittitis: simulq; Reip. Christianæ mala intestina alentes assidue fouetis, & augetis. Præterea ex ipsis bellorum euentibus norunt omnes nullo pacto deum uelle æquatis semper uiribus alterum de altero parta uictoria gloriari. Itaq; si ea est uestra uoluntas, is animus erga Remp. quem uos esse dicitis: ea pace utiq; quæ non sit ficta, uobis omnium procuranda est & dignitas, et salus: ex qua etiã ad utrunq; uera gloria, & multa commoda redundabunt: quæ tantum abest uobis ut à bellis intestinis comparentur, ut etiam cum res gna uestra exhauriant, et pessudent: tum ea, quæ ferre ipsi potestis, aditum Reip. Christianæ ad beneficia uniuersa præcludant. Hac tam longa rerum de pace, & bello experientia doctis de uoluntate dei uobis exploratissimum esse debet: qui nulla earum uia, quam hucusq; uterq; institit, uoluerit, quæ petebantur, sibi parari opes. quarum uiarum anfractibus uos implicari, detineriq; passus est, ut detectis dolis, cognitisq; erroribus ab ea cogitatione reuocaret, qua alterum pro certo habebat alter se suis uiribus, & consilio deuicturum: ut animum induceretis ueram gloriam, commodaq; omnia uobis eo modo, quo ipse statuit, sumenda esse ab omnium auctore bonorum. Ictuc autè certo uos esse facturos, si eam pacem non aspernabimini, quæ uobis hoc tempore ea ratione facienda deo auctore proponitur: ut, quò sit firmitior, arcto amoris uinculo, atq; animorum coniunctione glutinetur. Qua de re etiam loquar explicatius, ubi uobis ad memoriã beneficia

illa reuocauero, quæ præ cæteris regibus in uos à deo sunt collata: ut
hispsis ei iure magis obstringamini, nihil, nisi, quod ipsi placuerit, uos
uelle, atq; multò firmitus uestras coniungere uoluntates: in quo uno
posita sunt bona omnia; quæ tum seorsum ad uos, tum uerò ad Remp.
ipsam pertinere uideatur. Igitur neq; Philippum patrem tuum Cæsar,
cum primum in lucem editus es, natum sibi regem Hispaniæ agnouerunt:
neq; post habuissent: nisi, qui futuri erant, propinquo tempore mors
ante sustulisset. neq; item rex hic Gallorum primus hæres in patris
nas succedebat opes, minus autem pater eius Franciscus: cui multò plu
res aditum ad regiam dignitatem præcludebant, qui iure hæreditas
rio hanc sibi uendicabant. Quamobrem deo ob tantam eius in uos
benignitatem regna accepta referre multò plus ipsi debere uidemini,
quàm, qui ab origine fuerunt regnorum primi hæredes instituti. quor
um tituli, qui mos est omnium, qui se Christianos esse profitentur, si
regiam dignitatem deo acceptam præ se ferunt, multò magis hoc fac
cere uos decet: qui ea ratione, quam diximus, ad tantum fastigiū eue
cti estis: atq; in rerum administratione eius parere uoluntati, à quo
tam liberaliter regna ipsa accepistis. Atq; hoc, ut ego animaduerti,
primum fuit præcipuæ dei in uos liberalitatis argumentum. Eiusdē
alterum beniuolentiæ esse dicimus, quod non modo infideles natio
nes ceruicibus uestris imminentes depulerit, sed alterius etiam uim
ab altero tum maxime propulsarit, cum ab eo magis, ne, quod pete
bat, imperium occuparet, metuendum esse uideretur: id quod semper
per uos esse conatos dissensiones uestræ, assiduq; bella demonstrat.
Etenim non multò secus, atq; Rebecca uterus liberos inter se pu
gnantes sensit, uos quasi intra uiscera parentis Ecclesiæ alter alterū
protrudere, atq; cum primū arma fuere in manibus, funesta bella si
mul agitare cœpistis, de his dimicantes imperijs, quæ ad uos ipsos ab
immortali deo fuerant delata. Id uerò idem fieri iccirco est passus,
ut se magistrum habere studeretis: à quo possietis illud discere: quod

regem eum , qui Christianæ pietatis cultor esse uult, nosse in primis oportet : quæ sit uidelicet & in pace, & in bello uera ratio gubernandi. Hæc ante in eo maxime posita est , ut homines itelligant, ubi reges ipsi sunt, illic eum, qui loca incolit superna stellarum , longè, lateq; dominari, atq; ea potestate imperare, ut quibus libuerit, pro arbitrio regna largiatur. quod, ut est apud Daniele, exemplo Babylonici regis declaratum est . huius expers ille doctrinæ pœna antè à Deo plectitur: post edoctum ingentia præmia decorarunt. hoc inquam illud est; quod uos, ut ex eo, de quo mox dicturus sum , cognosci poterit, à deo in ludo militiæ ediscere potuistis. Itaq; initia illa bellorum memoria tibi sunt repetenda Cæsar. nam tametsi multò plura abs te, quàm à rege Gallorum , regna ditione tenebantur; qui, præterquam quod alia multa possideres, etiam creatus esses Cæsar augustus , haud propterea tamen opes tuæ ampliores esse uidebantur . coniunctio enim uirium ipsarum maior, et gallici generis hominum ad parendum propensissima uoluntas ualidum, ac potentem regem faciebant . Contrà, quò plus tibi locorum intercapedine diuulsa regna erant , distractæq; prouinciæ, quouè duriores ad obsequendū habebas tuos , hoc tu imbecillior, & infirmior esse uidebare: cum te contra uim multorum, ualidissimorumq; hostiū loca multa præsijs firmare, ac tueri oporteret: neq; ij, qui ante te reges fuissent , quæ ad id necessaria erant, omnia tibi comparassent . Quæ cum rex cerneret , quem tum maxime iuuenilibus florentem annis ætas ipsa impellebat, haberetq; exercitum militum ueteranorum , simulq; huiusipsius alendi uires , statim ea, quæ tu à maioribus tuis acceperas, regna uì magna est adortus. tantū tamen abfuit, ut tunc inde uictoriam ullam reportauerit; ut etiam , quos magna sui nominis gloria in italia debellauerat , insubrum imperium amiserit . Hæc omnium prima à deo edocti estis, regem uidelicet ut tantæ rei amissio, te ut uictoria admoneret, dei præpotentis nuntiu ad, quos uelit, homines imperia, regnaq; deferri. ubi enim maiore potentiam

potentiam spes etiam uincendi magis explorata sequebatur, ibi minus
euentus ipsi uota secundarunt: qui autem ætate, & uiribus fuit infe-
rior, is uictoria superior euasit. sed, quoniam, ut hoc documento, si uta-
re, nullum est salubrius, ita nihil ex his, quæ discuntur, eo difficilius,
quàm ut uti possis, uoluit omnium parens deus ex crebris bellorum ue-
strorū euentibus idipsum repetitū amborū quasi auribus inculcare:
cuius si certam scientiā essetis adepti, pridē ea sequuta pax esset; quæ
Reip. Christianæ, & utriq; simul grata, iucundaq; contigisset. id ue-
ro tum proculdubio futurum est, cum res ipsa indicabit talem doctrin-
am à deo eo, quo diximus, modo traditam à uobis fuisse haus-
tam. Quam quidem ut etiam apertius explicem, simulq; caus-
sam afferam, cur, ut ego sentio, uestrum neuter sat adhuc hanc
ipsam perceperit, quosdam euentus bellorum uestrorum insignes
commemorabo, ex quibus magis ipsi cognoscere potuistis, ue-
stris uiribus uobis haudquaquam fidendum esse; neque uictoriam ul-
lam ex maiore robore, potentiaue pro certo expectandam: quorum cog-
itationes de bello omnes, immortalis dei consilio effectum est, ut res-
rum uani exitus tum plus eluserint, cum profligandi alterius spes al-
teri firmior esse uideretur. Paulò antè dixi quid Francisco euenerit,
quo tempore rex esse cœpit, cum te ui maiore confusus prior bello la-
cessiuit. Idem tibi accidisse uidi Cæsar. tui enim contra regem co-
natus hòc magis irriti fuerunt, quò ampliores apparatus, uiresq; ma-
iores tibi certiore uictoriam ostendebant. Capto Tuneto magna
nominis tui gloria uictor ex Affrica maximas copias in Prouinciam
traieicisti: quo tempore ab omnibus rebus, quæ ad bellum neces-
sariæ sunt, regem imparatum offendiisti: pars tamen ea, quæ firmior
esse, atq; alteram superare posse uidebatur, illic maiora tum detri-
menta sensit. idem etiam tum contigit, cum parta de Cleuanensium
duce uictoria Galliam denuo inuasisti. hoc enim propter eam, quam
cum rege iniuerat, societatem Gallorum tanquā propugnaculo expu-

C

gnato reliqua planiora fore uidebantur. vicus tamē nullius ferè no-
minis in finibus gallici imperij positus (Andresium hunc uocant,) tan-
tos impetus adeò repressit, ac fregit, ut finis tum ei bello sit allatus.
Nec propterea quicuiſti Cæſar, nam poſt iunctis belli gerendi cum re-
ge Britaniæ inſulæ fœderibus in Gallos iterum ea mouiſti arma: quo-
rum exitus haudquaquam is fuit, quem pleriq; ex tanta uiriū magni-
tudine haud ab re futurum expectabant. atq; id quidem, ut poſt
apertius explicabo, magnum dei erga te beniuolentiæ teſtimonium ef-
ſe duco. Ex his ſatis liquere arbitror, cum tu tam inſperato, tam di-
uinitus ad tot, tantaq; imperia perueniſſes, nunquam hæc à deo ea
conditione accepiſſe, ut tantis abutens uiribus eum, qui fratris loco ti-
bi eſſe debuerat, ea dignitate ſpoliare cogitares: qua ille ab eodē or-
natus erat: contraq; eundem noluiſſe ijs, quæ ad te detulerat, à rege
Gallorum expelli regnis: præterea nulla ueſtra ipſorum induſtria,
atq; opibus conſiſos diuina conſilia tam in pace, quàm in bello ſequi
oportere, ſed, quoniam, ut à me ſupra dictum eſt, nihil eo difficilius,
quàm ut his, quas quis habet, non fidat uiribus: ac pro eo, quo quiſq;
natura ducitur, deſiderio non ſperet ſe harum ipſarū adminiculo hono-
res, emolumētāq; maiora paraturū, iccirco deus immortalis, cū et hæc
uos cupere cognouiſſet, & ſimul decreuiſſet utriq; optata largiri, nul-
la quidem harum rationum, quas uobis propoſueratis, ſed his, quas au-
ctor ipſe probat: conſilia ueſtra ſimul belligerandi hoc temporum in-
teruallo uos ſequi eſt paſſus, quæ ſpem rerum maiorum afferebant:
uoluitq; ut tot annorum experientia ipſa diſceretis, opes demum
omnes, & imperia magno rerum omnium detrimento ſic amitti po-
tius, quàm parari: ut hisiſis rationibus improbatis, ac reiectis, eas in
conſilium ueſtrum iam adhiberetis, quas & hic docuit, & uos in pri-
mis ſeruare oportet propter præcellentem eius fauorem, quo præ cæ-
teris regibus uniuerſi terrarum orbis ad gubernacula rerum acciti
eſtis: quos alia, atq; Turcam, conditione reges fecit. hunc enim tan-

tum, quorum poenas uult homines luere, scelerum uindicem constituit:
uos & patronos iustitiae, & ut inquit apostolus, eius in primis, qua
suos solari consuevit, clementiae ministros: atque uobis, & cunctis
Christianis regibus uiam strauit, qua in ipsa rerum administratione
pergatis: ut nihil fiat, nisi, quod rerum auctor ipse uelit: regiam lege
diuus Iacobus hanc uocat: hoc est charitatis, & amoris legem: quam
& in pace, et in bello non seruare omnino est praeter dei uoluntatem.
Verum, ut de pace nunc loquar, affirmo neque uos hacce in re hominum
expectationi responsuros: neque item fore, quod & utrique & Reip.
Christianae pax haec grata, & iucunda esse possit: si nihil, nisi, quod
sit utile, spectare uelitis. Quod si ea interim uolentes, approbantesque,
ad quae natura humana est procliuus, de pace ita inter uos egistis, tu
lit hoc iccirco immortalis deus, ne, cum multa hinc detrimenta extitis
se cerneretis, uos lateret, rationes, quibus ad eam usi fuistis, a se maxi
me improbari, ac refelli. qui quidem, ut erga utrumque semper amorem
paternum praese tulit: ita etiam nunc postulat: ut, cum uos utilitatis,
& gloriae specie haud ficta sequi uelit, ea, quam res ipsa exigit, uis
amoris mutui ad omnia foedera, & pactiones adiungatur: secus si se
ceritis, nunquam haec ipsa, quae uultis, uos assequi patietur. Atque id plane
singularis eius in uos beniuolentiae indicium est clarius, quam, quo uos
reges amplissimos constituit. Quod tamen si propter hominum deprauatam
naturam utrique persuaderi difficillimum est: praesertim cum iam
tot, tamque graues iniurias alter in alterum conflauerit: mihi tamen eum
aditum, ut tecum cohortationibus agerem, aperuisti Caesar, quem, ut
ad causam ingrederer, suscepti muneris dignitas ipsa requirebat: ut
magni alicuius boni spem animo conceperim. Vidi enim te nulla egere
tem cohortatione pro tua pietate ad praeteriti temporis iniurias omnes
facile conuiuere: simulque dicere, si qua ratio conficiendae pacis propo
neretur, quae publicae utilitati prodesse posset, malorum omnium, quae
te priuatim attigerunt, memoriam ex animo deleturum. Atque, ut id et

sentires, et diceres, ea, quam intus seruas, pietas te tua mouit. Reliquū
uerò est, te ut horter, planè figas oculos in rep. iuuanda: simulq; pri
uatis hosipfos occludens iniurijs ut consideres, ex ea, ad quā cum sem
per, tum uerò multo magis hoc tempore à deo uocamini, animorū ue
strorum firma, solidaq; coniunctione quanta sint beneficia et ad uosip
sos, & ad rep. redundatura. hoc si uobis persuasum fuerit, ut uelis
tis; nihil obstarè censeo, quin iam omnia sint inter uos de pace cōstituta.
hoc enim tanquam fundamento iactō, quod tū ad conditiones ipsas,
tum ad belli causas, quæ uos priuatim impulerunt, attinet, inspectis
præteritorum fœderum de sedandis sæpe inter uos discordijs condi
tionibus, uideo nonnulla ex his, quæ rei difficultatem solent parere,
sublata iam non semel esse concorditer. quæ autem adhuc posita sunt
in disceptationibus, immortalis dei ope inueniri poterit facilis, atq; ex
pedita ratio hæcipsa componendi: si negotium mandetis hominibus, qui
sint & fideles, & periti: præterea in deum, & communē causam
eo animo sint, ut rebus his nihil ipsis sanctius esse uideatur. Verū in
eo posita sunt omnia, ut fundamēta de coniungendis inter uos animis,
atq; mutuo amore deuinciendis firma iaciantur. Quamobrem silen
tio interim prætermisissis conditionibus, quæ magis in causa priuatæ
uidebantur, mea de hac re prolixior fuit oratio. quod utiq; feci eò libe
tius; quod, cum, quid diuinitus acciderit, intueor; arbitror dei fuisse cō
siliū, ut ad causam de pace hac ratione ingressum tentarem. Nam,
cum à Pontifice munus ad me istud est delatum, nulla ad hanc rem
speciatim mandata ab eo tum accepi; me is, quas uellem, quasq; aptio
res esse iudicarem ad tractandum negotium, rationibus pro arbitrio
meo uti permisit: ut antè, quàm de ulla pacis cōditione referretur fun
damentum istud per me firmum, ac stabile redderetur. quod quidem
pro eo, quantum mihi, ut possem, à deo concessum est, tecum iam feci
Cæsar. hac enim oratione scripta ad pacem nec fictam, nec falsam uo
lui aditū patefacere. uia autē haud alia est, atq; ea, quam, ut iā sæpius
explicauī

explicauit, uobis dei pietas immensa monstrauit. qui cum semper uoca-
uit huc uos; tum uero nunc magis. iam enim propter eas, quas explica-
ui, causas, rei tempus maturū uenit: atq; id quidē ita maturū, ut sine
manifesto periculo hominum salutis æternæ; & cum regnorū uestro-
rum, tum etiam uniuerſæ reip. Christianæ interitu amplius differri
non possit. is autem in hanc uiam ingressus uobis ut esset facilior, atq;
expeditior, nō potuit odiorum omnium, discordiarumq; auctor satan,
qui tanquā triticū expetiuit ut cribraret ecclesiam, dolis uos circūue-
nire: ut, quos de rerum imperio dimicare impulit, in rep. Christiana
amplissimos omniū principes in his, quæ ad religionem pertinent, dis-
sentientes faceret. Huius tam nefandi facinoris patrando facultatem
ademit deus; qui alterius ei dedit. coniunctionem certē in hac re ani-
morum uestrorum firmam, eundemq; consensum esse uoluit. nam, si se-
cus factum foret, aut nulla prorsus inter uos posset esse cōcordia, aut
quam difficilimē. Quod ne accideret, eadem pietas diuina prouidit: ut
non defuerint tam multa et in religione, et in regnis ipsis defectionis
aliorum principū, atq; urbium exempla turpissima, & pessimæ, quas
semper machinatus est satan, artes: quæ potuerint uestras in re tam
salutari simul copulatas distrahere, ac dissipare uoluntates. Atq; hoc
nullum dei erga uos benignitatis planē illustrius signum existere po-
tuit: ut ēt illud ex hoc ipso appareat uestra, simulq; summi Pontificis,
quem in hoc terrarum orbe personam suam gerere uoluit, industria
dum post tot, tamq; perniciosas discordias sedatas, restincta bella,
quæ iura omnia diuina, et humana uiolarunt, hunc eā concordia uel
le constituere: qua & resp. Christiana simul uniuerſa, & uos uerē,
atq; ex animo lætari possitis. quam quidem pacē & omnes ab eo, qui
potest dare, sic orantes petimus, ut spes sit haud mediocris posse nos
impetrare: & uos præ cæteris hominibus flagitare par est. non enim
bona tantum, quæ, dū hāc uitale lucē haurimus, hominis esse possunt,
ijs, quibus uos dominos habere contigit, & unā uniuerſis potest hæc
parere: sed ēt nisi & petieritis, & propterea ēt precando beneficium

istuc aſequuti fueritis, ut tollantur inter uos diſcordiæ omnes, et odia
cōcitata reſtinguantur, dei ad incorruptum tribunal malorū omnium,
quæ culpa ueſtra reliqui mortales perpeſſi fuerint, uobis cauſa omnis
no agenda erit. Quod ſi aut tu Cæſar, aut rex dicat à pace ſe nō ab-
horrere: uerum non uidere qui de alterius integritate fidei poſſit alter
eſſe cautus: reſpōdeo, primò quidem deū, qui, quæ cogitent homines, co-
gnorit, nulla ratione poſſe falli: dein, uter ueſtrū fidē ſeruauerit, huic
proculdubio eum adiutorē fore: quem nunquā iratū ſentiet: ſiue quan-
diu fruetur hac uita, ſiue cū eò migrauerit, ubi eorū, quæ quiſq; in ui-
ta egerit, exactē rationes edentur. Profectò hoc illud eſt, de quo mul-
tò magis, quàm de reliquis omnibus cogitare uos oportet. noſtis enim
in eo iudicio nō tantū ampliſſimis regibus ad omnem fauorē locū præ-
cluſū iri, aut nihiloplus, quàm quēlibet ex infima plebe, habituros: ſed
etiā conditione hōc inferiore tum futuros, quod non ſuorum modo pec-
catorum, ſed eorū quoq; quibus culpa male adminiſtrati imperij ali-
j ſe inquinauerint, pœnas ipſi ſunt daturi. Itaq; quod ad illa attinet, quæ
in bellis reguntur arbitrio principum; ſiquem gloriæ, aut imperij cu-
piditas ad arma impulerit, quicquid, is aut rerū publicarum utilitatis,
aut priuatarum iuſtæ deſenſionis falſa ratione prætexens oculis obie-
cerit humanis, iſtud non ſolum cauſæ nihil proderit, uerū et iudicem
in ſe multò grauiorem experietur: à quo tanquam auctore flagitiorum
omnium, ac ſcelerū, quæ in bellis committi ſolent, pœnæ perſoluentur.
ſi, qui aut multos occiderint, aut ſana expilarint, aut non ſemel pu-
dicitiam uiolauerint, nulla digni miſericordia, ſi res in hominum agaz-
tur foro, omnium uocibus ad ſupplicia ſuprema depoſcuntur: quam
cauſam apud omnium incorruptū iudicē regū eorū fore cenſetis, quos
ad inferenda bella mala cupidus protraxerit? etenim hominum cædes,
incendia, rapinæ, furta, ſacrilegia, adulteria, uis omnis, et impietas: ma-
la deniq; in hoſipſos, quorū culpa hæc acciderint, omnia redundabunt.
præterea, quò ampliora beneficia acceperint, horum uſus qui fuerit,
hos ad dei tribunal rationem hōc exactiorem edere oportebit: præſer-

tim cum, non ut infideles principes diuinæ ministri iustitiæ ad malorū
perniciem, sed ad salutem bonorum sitis ipsi rerum moderatores à deo
constituti. Hic uobiscū ipsi cogitetis, diligenterq; consideretis oportet,
ad quam partem istæ uestra potestas sese cōuerterit, ad mœroremne
improbiorum, an ad lætitiā bonorum. si ea ratio administrandi im-
perij uobis placuit, ut uulnera uestris hominibus infligeretis: uidete
quæso, quanta sit dei erga uos beniuolentia, quantū sit beneficiū: quos
antē, quā ad tribunal suū ire cogamini, admonere uoluit, atq; ad eā
pacem cohortari: quā si non aspernabimini, uobis cruor ille, quē pa-
cis inter deum, & homines conciliandæ causā olim uniuersus terrarū
orbis effusum uidit; uitiorum uestrorum maculas eluet, ac delebit: si-
mulq; tum rerum omnium immutatio maiorem quotidie afferet utriq;
lætitiā: tum, qui supremis rerum temporibus omnium futurus est iu-
dex, haudquaquā iratum sentietis. Quam quidem rem eiusmodi esse
dicimus: ut dei in homines beneficium nullum fuerit eo maius, quā
hoc futurum olim iudicium ijs ipsis prædicere; simulq; qui se iudicem
lenire possent, docere tantō ante uoluisse. Quid autem causæ fuit, ut
dei filius in terras è cælo delapsus humanū habitum, formamq; deus
indueret, nobiscum unā esset, postremò deo patri seipsum immolaret?
nimirum illud hunc impulit, ut, qui nec istud eius beneficium, nec mo-
nita aspernantes præcipienti obtemperabunt; qui omnium tam, qui uis-
ta functi sunt, quā, qui hac fruuntur, iudex est à deo patre constitu-
tus, omnes à suppliciorum metu liberentur: eaq; cuius per se interces-
sorem hominū generi cuius facta est copia, sempiterna quiete perfruā-
tur. Id autē magni utiq; refert cū unumquēq; nosse, tum uero eos
in primis, quibus ob tradita rerū gubernacula studium, et cura incū-
bit maior rationum ad eius tribunal iudicis referendarū: qui non per-
sonarum dignitatem ullam, sed facta tantum ipsa ponderabit. in eo tā-
tum priuati hominis, et regis, qui officio suo non fungatur, dispar erit
ratio: ut sacrarum testimonio literarum quò principum amplior fue-
rit potentia, hoc dei uis in his excrucian-
dis futura sit maior. Quam

obrem regi cuius beneficium illud potest uideri amplissimum, ut rem
tam necessariam mature is resciscat, cuius ex animo tot, quæ in hac
uita contingunt, impedimenta hancipsam euellere potuerunt. Verum
enimvero, cum hæc ad te scribam Cæsar, cuius singularem pietatem
omnes norunt, illud mihi fortasse obijciat quispiam, dicetque, ut te de ex-
tremo omnium iudicio commonefacerem, longius, quam par esset, ora-
tione fuisse prouectum: perinde, ac si cum eo loquerer, qui rem penitus
è memoria deleuisset; quiq; præ se ferret non esse amplius ex eorum
numero, quos deus in amicitiam suam ante recepiisset: huic autem ut
se reconciliaret, hoc tanquam stimulo foret impellendus, non autem cum
eo rege, ac principe; cuius erga deum pietatis exempla sunt quâpluri-
ma: quæ & omnibus sunt perspecta, ac cognita: & propterea etiâ ei
singularem illius fauorem in multis magnisque expeditionibus attule-
runt. id quod ego unâ cum cæteris lubens & agnosco, & sentio de te
Cæsar. uerum in hac oratione de futuro iudicio paulò prolixior esse
uolui: ut, cum multa, eaq; ingentia beneficia à deo accepißes, meminißes
te ei nequaquam satis esse facturum, si pari erga se cum cæteris
officiorum ratione certaueris, in quos pauciora, leuioraq; contulit. illud
potius ex eo audies, quod idem quotidie repetit. Nunquam in æterna
cæli tēpla penetrabis, nisi reliquos antecellueris iustitia. qua quidem
de re quæstio tum habebitur, an eam exercueris pro eo, quantum ipse
debes propter ea beneficia, quæ tu præ cæteris accepißi amplissima.
quorum è numero nullum est eo maius; quo, & quanta pietate deum
colere, & quanto studio, curaq; tuorum regnorum commoda, salutemq;
tueri oporteat, planè cognouisti. At quibus hæc oculis tibi cernere cō-
tigit? ijs scilicet, quos cœlitus immisßos, quale de primis generis huma-
ni parentibus legitur, quandiu procreatori suo grati esse uoluerunt,
deus in te defixit. his nimirum oculis omnia is prospicit, & guber-
nat. Itaq; nisi eos, qui te regem, atq; imperatorem habent, ea ratione
regas, quam cœlestis ille fulgor ostendit, deum grauiter abs te lædi
neceße est: qui tantum eius beneficium aspernari uideare. Hos ipsos
inquā


inquam oculos ut alter in alterum coniiciat, hoc est, ut mutua charitas
te complectatur, uterq; animum inducat oportet. Id si feceritis, nihil
uerendum erit, ne sit ea sequutura concordia, qua multis antè sæculis
nulla extitit uel laude illustrior, uel reip. Christianæ salute ipsa iucun-
dior. Aut, si tamen alterius culpa aliquando secus acciderit: per quem
non steterit, ad hunc utilitates omnes, ueriq; honoris ornamēta trās-
ferentur. Atq; ut tandem colligam, quod suscepti muneris flagitat à
me ratio: istud autem est, ut, quæ nūc habeo de pace dicere, de his uos
admoneam: rursus affirmo transigendi negotij uim omnem non tam,
ut multi existimant, in conditionibus, quibus facile aut inuerti, aut cō-
fici istuc possit, quàm in eo esse positam: ut uterq; cogitet, quibus ocu-
lis uos ipsos inuicem, simulq; conditiones spectare oporteat: nam si eos,
quorum modo memini, qui se in primis ad uerū dei cultum, & ad puz-
blicam utilitatem conuertunt, afferetis, conditionū æquitas aliqua con-
stitui poterit: sin ij post habita utilitate communi priuatam antè res-
pexerint: licet dissensiones tollantur, bella reſtinguantur: pax tamen
hæc non modo nihil aut uestris commodis, aut reip. profutura est, sed
maiora etiam allatura detrimenta. atq; id quidem hoc plus metuendū
est, quòd à deo & de periculo antè admoniti fuisſtis, & huius euitan-
di rationem edocti: ut secus si fiat, atq; faciundum esse diximus, ma-
iore et uestro ipsorum, & aliorum iactura eum multò grauius læsum
iri uobis exploratum esse possit. Id ne omnino uererer fecisti Cæsar,
cum à me illud nō ignorari uolueris, te nulla unquam, quam illatæ ab
aduersario iniuriæ conflauerint, inimicitia, aut animi perturbatione
adeò commotum iri, ut culpa tua stabilis inter uos ne conglutinetur cō-
cordia: modo rei conficiendæ talis afferatur ratio: in qua explorata spes
insit pacem hanc & firmam, ac tutam, & reip. Christianæ salutariẽ
fore. Planè ista tua pietas Cæsar eius, quam ipsi quærimus, initiū est
concordiæ; neq; id ullus negare audeat: præsertim si, ut omnino futurū
spero, id ipsum etiam rex senserit. Verum, tametsi res ita se habet, à

uobis tamen, ut planè negotio statuatur finis, omnino illud exorari si-
natis oportet; ne, dum qua ratione aut pietatē colere, aut de rep. bene-
meri deceat, quæritur, in causa uestra ipsi iudices esse uelit, sed eius
hāc esse gloriā, qui sit princeps, et haud falsus auctor pacis: cui iureiu-
rando ita nos obstrinximus, ut ea nobis seruāda essent, quæ tollenda
rū absq; cæde discordiarū causa idem statuit ad memoriā sempiter-
nā. Atq; ut in hunc iniuria nulla potest esse maior, quā uos aut ui cō-
trouersias dirimere, armisq; de iure disceptare; aut harum auctores
ipsos iudices cōstituere perinde, ac si nihil ille decreuerit, quod in hac
re sequi uos oporteat: ita nihil aut eo amplius ad eius regis gloriā, qui
potest omnia, quiq; ad tantam dignitatē uos euexit, aut reip. Christia-
næ salubrius, quam tantum is diligit, & charam habet, ut corpus suū
hanc uocet: quā ut ad eius, qui sic statuit, altū, augustūq; tribunal
de uestris controuersijs, quæ corpus istud pridem fœdissimè dilacera-
runt, diiudicari patiamini. Verum, ut ea, quā iudex tulerit, senten-
tia nullo pacto aut reuocari, aut de loco suo dimoueri possit; atq; eius-
modi sit, ut et ijs, in quos habetis imperium, & simul uniuersis ita, ut
hi cupiunt, profutura esse uideatur: non modò ad iniurias oculos occlu-
dere uos necesse est (id quod spondes te esse facturum Cæsar, ut cūq;
ineatur ratio eius conficiendæ pacis, quæ & stabilis, et populo Chris-
triano utilis sit futura) sed ad eas etiā partes, unde lædi potestis, co-
gitantes quot, quantaq; detrimēta uestra bella reip. attulerint: simulq;
inuicem uosmet intuentes hisipsis oculis ea loca rimari: quæ, ut his,
quos in iudicando mouet nulla cupiditas, sic uobis poterant, nisi inimi-
ci essetis, nimirum grata uideri, & iucunda. Id si inducamini, ut ue-
litis facere: multa utriq; esse uidebuntur, quæ iure poterunt uos ad id
impellere: ut et amore mutuo deuinciamini, et placatis, sedatisq; discor-
dijs firmam, constantēq; inter uos amicitiam coniungatis. Quod pla-
nè eueniet, si cogitabitis uestræ potētiae, uestræ dignitatis quæ fuerint
initia: qua ratione tū primū per uos hæc parta: quantū sit immortalis

dei beneficium, qui incolume imperum uobis hucusq; seruauerit. quod propterea et uideri debet hoc maius, quod in his, quæ ad religionem; pertinet, in quibus omnium ferè semper fuit idem consensus, in tuenda, iuuandaq; Ecclesia nunquam dissentientes esse uoluerit. Qua ex re simul et cognoscetis, quanta fuerit eius erga utrumq; beniuolentia; qui liberorum loco habuerit; qua ratione, quo pacto allicuerit, impulerit, ut cum altero alter amore, uoluntateq; se coniungeret; quos unà copulatos et se colere, ac uenerari; et, quorum moderatores statuit, suos ut solaretur, operam, atq; industriam suam afferre uellet. præterea, si quot, quantaq; mala, quot calamitates, quot clades odia uestra, bellaq; tulerint, quotis dieq; magis hæc apportent: quorum omnium ad incorruptum dei tribunal exactas rationes referre oportebit: contraq; quantum sit ad diuinorum, humanarumq; rerum statum ea, quæ et pietatis, et communis utilitatis amor conclutinauerit, profutura concordia, reputabitis: si hæc inquam omnia perpendetis, simulq; ea in re comites uniuerso populo uos adiungitis, ut, à quo ille pacem hanc enixè nunc petit, deum quoq; uos precemini, ex animis uestris omnia euellat, quæ huic obstare uideantur: præterea illud doleatis, atq; etià ab eo ueniam imploretis, quod neuter uestrum in id, ut par erat, antea incubuerit: simulac beneficiū istud postulabitur, ad dandum liberalè se bonitas diuina præstabit: à qua certè singularis in uos beniuolentiæ multò plura, quam cæteri, pignora accepistis. Hinc enim magis hoc tempore gloriam sibi querit immortalis deus: non quo laude is egeat, quam ad se possitis ipsi transfundere, sed ut, qua ipse præfulget, insignem uobis hac ratione impertiat gloriam: quam quidem, si pacis fœdera inter uos firma sancietis, uobis quādiu in hoc obscuro corporis domicilio inclusi estis, et, ubi aliò hinc migraueritis, et singulare in reip. Christianā beneficium, et salus omnium hinc futura comparabunt: cuius rei perficiendæ facultatem, semper uniuersi deprecemur, ut pro sua clementia utrique largiatur rerum omnium et et parens, et auctor deus. Amen.

Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.273/c

005647169



KONSERVIERT DURCH
ÖSTERREICHISCHE FLORENZILFFE
WIEN 1967

